

三) 連用形

- ◎ 四段活用 新聞を読み始める vs. 讀新聞讀起
- ◎ カ行變格..友達は来始めた vs. 朋友 tī leh 來 loh
- ◎ サ行變格..仕事をし終わったら行こう vs. Khangkhòe chhòng soah chiah 來去
- ◎ 上一段活用 寢床から起き上がる vs. Tùi 眠床 peh 起來
- ◎ 下一段活用 夜が開け離れた vs. 天光 loh

親像頂面 ê 例，連用 ê 時，tī 動詞 ê 頭前 á 是後壁加連用 ê 動詞。原冊 P141/P107)

參考:台語 tī 結果了後 koh 加原因 kap 做伙講 ê 時，tòh kā 動作重複一 pái。

- ◎ 寫字寫 m̄ tiòh，◎ 讀新聞讀起，◎ phah 伊 phah 無 tiòh，◎ 食飯食三碗

四) 終止形

- ◎ 四段活用 新聞を読む vs. 讀新聞
- ◎ カ行變格..友だちが来る vs. 朋友來
- ◎ サ行變格..善い事をする vs. Chhòng 好事
- ◎ 上一段活用 朝早く起る vs. 早起時早起來
- ◎ 下一段活用 夜が開ける vs. 天光 (原冊 P140/P106)

親像頂面 ê 例，終止形 ê 時，他動詞 tòh tī 受格頭前加動詞，若是自動詞 tòh kā 動詞加 tī 主格 ê 後壁。

五) 連體形

- ◎ 四段活用 新聞を読む人 vs. 讀新聞 ê 人
- ◎ カ行變格.. 来る友だちを待つ vs. 等 beh 來 ê 朋友
- ◎ サ行變格..善い事をする人 vs. 做好事 ê 人
- ◎ 上一段活用 早く起る人は偉い vs. 早起來 ê 人 khah gâu
- ◎ 下一段活用 夜の開ける頃まで待った vs. 等到天 beh 光 hit chūn

親像頂面 ê 例，連體形 ê 時，普通是插入「ê」，動詞 tòh 加 tī 主體詞（指名詞、代名詞）ê 頭前，若是他動詞 ê 時 tòh kā 受格隔開加 tī 主體詞 ê 頂面；若是自動詞 tòh kah 一般全款續接。

Koh 有親像下面 ê 例，省略應該續接 ê 主體詞，用「ê」來代替主體詞。

(原冊 P143/P109)

- ◎ 早起來 ê khah gâu，◎ 讀新聞 ê m̄ 是我。

六) 假定形

- ◎ 四段活用 新聞を読めば分る vs. 若讀新聞 tòh ē 知
- ◎ カ行變格..早く友だちが来ればよい vs. 朋友若 khah 緊來 m̄ 就好
- ◎ サ行變格..善い事をすれば褒められる vs. 若做好事 ē hō 人稱讚

◎ 上一段活用 起ればすぐ分る vs. 若起來 tòh liâmpiⁿ ē 知

◎ 下一段活用 夜が開ければ行う vs. 天若光 chiah 來去

親像頂面 ê 例，假定形 ê 時，直接 tī 動詞 ê 頭前，á 是有他詞隔開頭前加「若」；若是有他詞隔開，tòh tī 後壁加「就」á 是「chiah」。

六) 命令形

◎ 四段活用 本を讀め vs. Tiòh 讀書 chiah ē 用 tit (原冊 P144/P110)

◎ カ行變格..早く来よ vs. àikhah 緊來 leh

◎ サ行變格..善い事をせよ vs. Tiòh 做好事

◎ 上一段活用 早く起きよ vs. Tiòh 緊起來

◎ 下一段活用 早く開けよ vs. Tiòh 緊開

親像頂面 ê 例，命令形 ê 時，直接 tī 動詞 ê 頭前，á 是有他詞(主要是副詞)隔開頭前加「tiòh」；其它 mā 有因為語尾、語勢 ê 關係 á 來表示，親像下底 ê 例：◎ 緊開，◎ khah 緊來，◎ 隨時 tng 去，◎ liâmpiⁿ 寫。

第四節 動詞 ê 表現

動詞是 teh 表示動作 ê 動靜，所以 tī 思想 ê 發表 á 是文章 ê 構成上，是 bē tàng 欠缺 ê。Tòh 是講它 ê 活用 tī 講話 ê 構成是非常重要的，m̄ koh tī 動作 ê 時 kah 其它明確意義上，有真 chē 場合 kantaⁿ 動詞是無夠額。Taⁿ tiòh án 怎來表現 (原冊 P145/P111) 做一个論述。Tī chitê 場合，tiòh 藉他詞 ê 力 á 是語勢來表現。

一) 靠助動詞來表現

藉助動詞 ê 力來 hō kakī ê 表現 koh khah 清楚：

◎ 我 m̄ 去 m̄ koh 伊 beh 去，◎ ē 來 bē 來我 chiah 是 m̄ 知影，◎ bat 去 m̄

bat 去 kah 你有啥關係？◎ 伊昨 hng 有來 teh 講，◎ 我 beh 來報出世，

◎ 無米 thang 煮姑不二 chiong chiah beh 對人借，◎ 掠有 5-6 隻，◎ lín

老父 teh chhòng 啥貨？◎ tútú teh beh 食 lah，◎ poàhkiáu ê 掠 tiòh 無？

頂面 ê 例 tòh 是藉助動詞 (斜字) ê 力來 hō kakī ê 表現 koh khah 清楚。助動詞直接 khng tī 普通動詞 ê 頭前，á 是有其它詞隔開 ê 頭前，或者是 khng tī 動詞 ê 後壁，á 是同時 khng tī 前後。

二) 靠語尾詞來表現

藉語尾詞 ê 力來形成各種 ê 形式來 ê 表現各種意思：(原冊 P146/P112)

◎ 來 leh, 我 beh kā 你講，◎ hit 欖樹 á 死 loh，◎ khiā leh, bē 使得坐 oh，

◎ 寫 à lah, m̄ 免煩惱，◎ m̄ 去 hōⁿh，◎ 看二 pái loh...

頂面 ê 例 tòh 是藉語尾詞 (斜字) ê 力來幫助表現 hitê 動詞 ê 動作。

三) 靠副詞來表現

藉副詞 ê 力來形成 ê 形式來幫助各種 ê 表現：

◎ 今 á 早起 來 lah, ◎ 佳哉是伊, 無 tòh 害, ◎ 昨 hng 去 hia hitê 是 m̄? ◎ 寧可去 khah tiòh, ◎ 全心讀冊 chiah 好, ◎ 若 ánnē 我一定去。

頂面 ê 例 tòh 是藉副詞 (斜字) ê 力來限定 hitê 動詞 ê 各種動作, 表示是過去, 來加強意思。(原冊 P147/P113)

四) 靠語勢來表現

靠語勢 ê 樣式 tòh 是動詞藉前後文 ê 關係 á 是語勢來表現, 親像下面 ê 例：

◎ 食 ê 時 to 好好, ◎ 伊是君子 人怎樣做 hit 號 tāichì? ◎ 落一暗 ê 雨, ◎ 你去 hit chūn tòh 隨時一个人來 chhōe 你, ◎ 伊去 tī 田裡 teh 播田。

語尾無變化 ê 台語文動詞, 是靠頂面所述種種 ê 樣式, 來完成 kakī ê 任務 kah 使命, 雖然真複雜卻真自然, bē 有差錯。